

ի նպաստ Թիւրքահայաստանի հայ տառապեալների
ՀԱՆԳԱՆԱԿԻՉ ՄԱՍՆԱԺՈՂՈՎԻ

Վերջին անգամ հրատարակուած հաշից յետոյ (տես «Մշակ» № 31, 13 փետրվարի 1909) Մասնաժողովը հետեւեալ նուէրներն է ստացել. 1) «Գործի» խմբագրութիւնից՝ 4-րդ անգամ 400 ռ., 2) Թիֆլիսում հ. Յովսէփ վարդապետ Մարգարեանից՝ 3 ռ., 3) «Գործի» խմբ. 5-րդ անգամ՝ 500 ռ., 4) Բագուից տիկին Սօֆիա Լազարեան Մարտիրոսեանից՝ իր պսակադրութեան 20-ամեկի տօնման ծախքի փոխարէն՝ 100 ռ., 5) Ա. Վէրմիշեանից՝ «Бакинское Эхо», «Баку» թերթերի միջոցով հանգանակուած 380 ռ. 44 կ., 6) «Գործի» խմբագրութիւնից 6-րդ անգամ՝ 400 ռ., 7) «Баку» թերթի միջոցով Ս. Աթաբէգեանի գործարանի ծառայողներից և բանւորներից 42 ռ. 75 կ., 8) «Баку» թերթի միջոցով Բագուում հանգանակած ի նպաստ աղանացիների՝ 166 ռ. 9 կ., 9) «Մշակի» խմբագրութիւնից 8-ր անգամ՝ 500 ռ., 10) «Մշակի» խմբագրութիւնից 9-րդ անգամ՝ 200 ռ., 11) Աստրախանի հայ հասարակութիւնից՝ ուղարկած յանուն Ա. Մելիք-Ազարեանի՝ 1851 ռ.: Ընդամենը 5044 ռ. 15 կ.:

Յունիսի 19-ին Մասնաժողովը փոխադրել է Կ.Պօլիս ոռոսական դեսպանատան՝ Կ. Պօլսի հայոց պատրիարքին յանձնելու համար, ի նպաստ Աղանայի և Հալէպի նահանգների հայ սովեալների, 400 օսմ. լիրա:

Մասնաժողովը իր գործունէութեան սկզբից մինչ 30 յունիս 1909 թ. հանգանակել է ընդամենը 19,936 ռ. 92 կ.:

Յիշեալ գումարից փոխադրել է Կ. Պօլիս ոռոսական դեսպանատան միջոցով հայ տառապեալներին բաժանելու՝ 36,000 ֆլորանկ և 400 օսմ. լիրա, որի համար վճարել է 17,189 ռ. 05 կ.: Իսկ մինչև այժմ դիւանական և այլ մանր ծախք եղել է 277 ռ. 86 կ., ընդամենը 17,466 ռ. 91 կ., մնում է կանխիկ 2470 ռ. 01 կ., որնց 2377 ռ. 20 կ.-ը պահւում է Թիֆլիսի Առևտր. Բանկում ընթացիկ հաշուով, իսկ 92 ռ. 81 կ. գանձապահի մօտ:

Նուէրների ընդունելութիւնը շարունակւում է: Խնդրւում է նուէրներն ուղարկել Մասնաժողովի գանձապահի հասցէով՝ Тифлисъ, контора А. И. Манташева и К, Аракелу Саруханяну, կամ Tiflis, Société Mantacheff et C-ie, A. Saroukhan.